

# TRANSSYLVANIA SIEBENBURGEN.

146

Regis.

Nomina.

Situs.

Soli fertilitas.

Animalium va-  
rietas.

Imperium ma-  
jorum.

**T**ranssylvania Daciae veteris pars est Mediterranea, quam Ripensem Romani dixerunt, nomen nunc ha-  
bet a silvarum montiumque ambitu; silva est Hercynia; Mons Carpathus. Dicitur & Septemcastren-  
sis vulgo, nomine a voce Germanica *Siebenburgen* mutuato, ac *Erdeli* Hungaris. Terminant eam ab  
Occidente Pannonia, a Septentrione Polonia, ab Austro Valachia, ab Oriente Moldavia. Est au-  
tem Transsylvania rerum omnium feracissima; ac Frumenti per universam hanc Regionem magna est uberi-  
tas. Præter experientiam quotidianam testatur id Trajani numus in quo Ceres erecta, dextera tenens cornu  
Amaltheæ, læva tabellam: cum hac epigraphe *Abundantia Dacia*. Vinum fert præstantissimum ad Albam Lu-  
liam, Devam, Egmedinum, Bithelbinum, Fenusium. Fructuum item magna copia est, inter quos, ut reliquos  
omittam, præstantissima Pruna Damascena vulgo dicta, mala Cotonea, Cerasa dulcia, quæ cum Marosticaniis  
Italicis conferri possunt, Meloepones vulgo Melones, præstantissimi Herbæ etiam nobiliores passim cretunt,  
Rha Ponticum, Centaurium majus, Gentiana maxima flore flavo & purpureo, Rhodia radix, Absinthium Pon-  
ticum, Libanotis prima Theophrasti, Crocus aliæque sexcentæ. Metallorum Fodinae nobiles permultæ. Auri  
etiam ad Sculattrin: quæ Zulakna dicitur Hungaris, & ad *Rimili Dominurdz*, quod sonat Rivulum dominorum,  
His locis excinduntur glebæ Auri purissimi, cujus effossi statim usus esse possit sine ulla accurata separatione.  
Auri hanc ubertatem testantur frequentes Romanorum numi aurei qui his locis sæpe effodiuntur: quorum parte  
altera viri est effigies cum petaso, & hac inscriptione C. CATO. parte altera Dacia forma Divæ, libellum dex-  
tera tenens cum inscriptione AV:RPVR. Argenti fodinae sunt ad *Offera* & *Radna*. Cuprum iisdem Montibus ef-  
foditur quibus Aurum & Argentum. Chalybs ad *Cyk*; ferrum ad *Thoroſco* & *Vaidahuntada*: Sulphur & Anti-  
monium in Cupri fodinis. Salis autem fossilis tanta copia est, ut vicinis regionibus abunde subministrat.  
Bovum præterea tanta multitudo, ut etiam prægrandes singuli singulis sæpe florenis vendantur. Quid dicam  
de Equis, quos generosos & præstantes producit, queis per se mollis alterno crurum explicatu glomeratio?  
Quid Avium varia genera commemorem? Aquilas, Falcones, Phasiones, Perdices, Pavones silvestres, Galli-  
nages, Scolopaces Olympio, *Rusticulas* Plinio, vulgo *Sneppas*, & Gallos? Quid aquatiles? Cygnos, Tar-  
das & Onocrotalos? Et ut ab Avibus ad Feras tranſeam: habet hæc Regio saltus prægrandes ac Nemora  
ingentia, in quibus Vri, Bubali, Alces, Cervi immanis magnitudinis, Lynces, Martes, Mures Pontici, Vri,  
Damæ & Lepores albi. Coluere hanc Regionem jam olim variæ gentes *fazyges*, quorum etiam hodie reliquias  
sunt in Hungaria: tum *Metanasta* etiam Plinio nominati, & *Geta*, *Bastarna*, *Sarmata*, *Graci*, *Romani*, *Soytha*, *Saxo-*  
*nes Hungari*. Romani eam sero debellarunt: Nam Trajanus Imperator victo Decebalo Dacorum Rege, primū eā  
in provinciæ formā redegit, urbemque Zarmizegethusam vocavit de suo nomine *Vlpiam Trajanam*. Eam Galie-  
nus ducentos post annos amisit, exque eo tempore humanitate sermoneque & elegantissimis Romanorum de-  
positis, cœperunt incolæ ferociam Barbariemque pristinam repetere, Valachorum etiam nomine adsumpto.  
Post